

INFORME ANUAL 2017 DO GRAO DE CUMPRIMENTO DOS ACORDOS APROBADOS NO PARLAMENTO DE GALICIA NA X LEGISLATURA

O control da acción do goberno polo Parlamento é un dos piares fundamentais sobre os que se sustenta o estado de dereito e a esencia mesma da democracia.

O **Estatuto de Autonomía de Galicia** establece no seu artigo 10.1 as funcións que lle corresponden ao Parlamento de Galicia sinalando como unha delas no seu apartado b) a de “controlar a acción executiva da Xunta”.

A **Lei 1/2016**, do 18 de xaneiro, *de transparencia e bo goberno*, no seu artigo 19, relativo á información específica sobre as relacións da Xunta co Parlamento de Galicia, establece que a finais de cada ano, a Xunta de Galicia elaborará e publicará no Portal de transparencia e Goberno aberto un informe respecto do grao de cumprimento dos acordos aprobados polo Parlamento nese ano.

O fin último e principal obxectivo desta Lei 1/2016 é dar cumprimento a un deber fundamental, encomendado polo Estatuto de Autonomía de Galicia, que é o de **facilitar a participación de todos os galegos e as galegas na vida política**.

Un dos principios reitores da Lei de transparencia de Galicia é o de publicidade activa como medio para fomentar o exercicio da cidadanía do seu dereito fundamental á participación e ao control sobre os asuntos públicos. Calquera **control público da actividade das institucións** debe ser un obxectivo a cumprir por todas as administracións e un reto para todas as institucións.

Pola súa banda, o **Regulamento do Parlamento de Galicia** dedica o Título XI á regulación das proposicións non de lei (artigos 160 a 162) e o artigo 151 do Título X ás mocións subseguintes ás interpelacións, iniciativas de impulso das que emanan a meirande parte dos acordos que adopta o Parlamento e que atinxen ás competencias da Xunta de Galicia.

En consecuencia, neste contexto e en cumprimento da normativa vixente, emítense na Comunidade Autónoma de Galicia o presente informe referido aos acordos adoptados polo Parlamento no tempo transcorrido desde o inicio da X Lexislatura ata o fin do período de sesións o pasado 31 de decembro 2017, no que respecta ás Proposicións Non de Lei e ás Mocións aprobadas.


Dende o inicio da actual lexislatura e ata o 31 de decembro de 2017 resultaron **aprobados un total de 284 acordos**, tanto en sesións plenarias como nas distintas Comisións parlamentarias, o 62% por unanimidade de todos os Grupos parlamentarios.



Exponse a continuación un detalle dos acordos aprobados, segundo o grupo parlamentario que promoveu o seu impulso:

AUTORES	APROBADAS EN PLENO	APROBADAS EN COMISIÓN	TOTAL
PPdeG	44	83	127
En Marea	12	38	50
PSdG - PSOE	18	39	57
BNG	14	35	49
Todos os Grupos	0	1	1
TOTAL APROBADAS	88	196	284

Acordos aprobados por GRUPOS PARLAMENTARIOS



Cómpre indicar que o texto de todos os acordos aprobados están dispoñibles no Portal de Transparencia, na seguinte ligazón: <https://transparencia.xunta.gal/outras-organizacions/relacions-xunta-parlamento>.

Do total de 284 acordos aprobados, **actualmente están cumpridos ou en proceso de cumprimento un total de 246**, o que sitúa o grao de cumprimento nun 86,6%. O compromiso do Goberno galego é cumprir a totalidade dos acordos parlamentarios.


Da análise do contido dos acordos parlamentarios acadados nesta X lexislatura e tendo en conta a temática abordada neles, cómpre subliñar a destacada presenza de acordos referidos ao apoio aos distintos sectores produtivos con especial incidencia no desenvolvemento rural e actividades agrogandeiras e forestais, actividades pesqueiras e do mar, sectores naval e enerxético, turismo, comercio e artesanía..., así como á dinamización industrial e á protección de emprego en Galicia. Un total de 87 acordos aprobados, sendo o nivel de cumprimento neste ámbito do 89,7%.

Subliñar en segundo lugar, os 44 acordos adoptados en materias vinculadas ao desenvolvemento de infraestruturas de abastecemento e de comunicación, impulso da mobilidade e das telecomunicacións. Neste ámbito, o grao de cumprimento dos acordos acada o 84,1%.

Particular relevancia teñen os compromisos relacionados co apoio á cultura e ao patrimonio, así como á protección e fomento do uso do galego que foron igualmente obxecto de especial atención nos debates parlamentarios e nos consensos acadados, con 27 acordos aprobados. Neste caso, o nivel de cumprimento por parte da Xunta de Galicia é do 81,5%.

A continuación inclúese un cadro e unha gráfica dos acordos acadados segundo a temática que abordan.

ACORDOS PARLAMENTARIOS SEGUNDO TEMÁTICA	APROBADOS		GRAO CUMPRIMENTO
	Nº	%	%
Apoio a os sectores produtivos, dinamización industrial e protección do emprego	87	30,60%	89,7%
Administración de xustiza	9	3,20%	88,9%
Apoio aos concellos e Administración Local	6	2,10%	83,3%
Cultura, patrimonio e defensa da lingua	27	9,50%	81,5%
Familia e infancia, dependencia e discapacidade	9	3,20%	77,8%
Educación	11	3,90%	100%
Impulso da transparencia, facenda e contratación pública, función pública	18	6,30%	72,2%
Infraestruturas de abastecemento, de comunicación e mobilidade, telecomunicacións	44	15,50%	84,1%
Igualdade e loita contra a violencia de xénero	10	3,50%	90,0%
Protección do medioambiente, ordenación urbanística e vivenda	19	6,70%	94,7%
Pensións e prestacións	5	1,80%	80,0%
Sanidade e saúde pública	24	8,50%	91,7%
Outros	15	5,30%	80,0%
TOTAIS	284	100,00%	86,6%



Do conxunto de acordos aprobados, a maior parte veñen referidos a propostas que teñen incidencia na Comunidade Autónoma galega (76,4%), pero é de destacar, así mesmo, aquelas propostas vinculadas a actuacións con impacto en áreas, comarcas ou municipios concretos, de carácter, por tanto, máis local (22,9%). Esta diferenciación non afecta, sen embargo, ao seu nivel de cumprimento por parte da Xunta de Galicia, que se sitúa en porcentaxes moi similares tal e como reflicte a seguinte táboa:

ÁMBITO DE IMPACTO	APROBADOS		CUMPRIDOS OU EN PROCESO	
	Nº	%	Nº	%
Galicia	217	76,4%	188	86,6%
Local	65	22,9%	57	87,7%
Outros	2	0,7%	1	50,0%
	284	100%	246	86,6%

Finalmente, cómpre ter en conta que aínda que os acordos parlamentarios diríxense á Xunta de Galicia como instancia de impulso, non sempre é a autonómica a administración responsable final da execución das propostas, de acordo ás competencias que ten asumidas.

Así, máis dun de cada catro acordos (26,8%) veñen referidos á competencias cuxa xestión corresponde a outras instancias (Unión Europea, Goberno do Estado, entidades locais). Nun 13% dos casos, as responsabilidades son compartidas, implicando ás distintas administracións.

No seguinte cadro indícase o grao de cumprimento referido as actuacións da Xunta de Galicia.

ADMINISTRACIÓN RESPONSABLE DO IMPULSO DA ACTUACIÓN	APROBADOS		CUMPRIDOS OU EN PROCESO	
	Nº	%	Nº	%
Xunta de Galicia	171	60,2%	148	86,5%
Goberno do Estado	63	22,2%	57	90,5%
Entidades Locais	8	2,8%	5	62,5%
Unión Europea	5	1,8%	5	100,0%
Compartidas	37	13,0%	31	83,8%
	284	100%	246	86,6%